

Powšitkowne WOZJEWJENJA

njedźelu, 26. januara 2020

Pobožnosť w Róžeńće

Towarstwo „Naša Knjeni na Lipje z.t.“ přeprašuje wšitkich česćowarjow Róžeńčanskeje Maćerje Božeje na pobožnosť w tamnišej swjatnicy wutoru, 28. januara, po wječornej Božej mši. Kemše započnu so we 18.00hodž. Na pobožności modla so w swójskich a wosadnych naležnosćach kaž tež w naležnosćach towarstwa.

40 lět Don Boskowy dom we Worklecach

Dekanatne dušepastyrstwo we Worklecach přeprašuje wšitkich zajimcow a dobroćelow na 40lětnu róčnicu Don Boskowneho domu, a to na patronatnym dnju pjatk, 31. januara, do Worklec. Započatk je we 18.00 hodž. z Božej mšu we wjesnej kapałce. Přizamknu so domyswjećenje, mały přikusk a bjesada.

Wopominanje zbóžneho Alojsa

Na wopomnjenskim dnju zbóžneho Alojsa Andrickeho pónđelu, 3. februara, budu w Radworju we 18.30 hodž. swjatočne kemše. Swjedženske předowanje změje farar dr. Bernhard Dittrich ze Smochćic. Po kemšach wudžěli so požohnowanje na zastupnu próstwu swjateho Błažija.

Předstajenja noweje hry Bratrowstwa

Dziwadłowa skupina Kulowskeho Bratrowstwa předstaji swoju nowu žortnu hru „Namrěwstwa dla zawrjene“ njedźelu, 26. januara, w 17 hodž. w Šunowje a njedźelu, 16. februara, w 17 hodž. w Radworskim hosćencu „Meja“. Terminy dalšich předstajenjow w serbskich wsach so sčasom wozjewja.

Mandželski seminar

Přizjewjenja za lětušej terminaj k přihotej na sakrament mandželstwa w Smochćicach přijimuju hač do pónđele, 10. februara, w młodžinskim dekanatnym dušepastyrstwje we Worklecach. Móžne je přizjewjenje jeničce na nowej internetowej stronje młodžinskeho dekanatneho dušepastyrstwa www.junges-bistum-ddmei.de/sorbisch pod wotpowědnym terminom.

„7 tydženjow so wzdać“

Wot popjelneje srjedy hač do jutrow su pory přeprašene, zo bychy so na póstnej akciji pod heslom „7 tydženjow so wzdać“ wobdžělili. Přizjewić měli so pory w interneće. Link a nadrobniše informacije su na internetowej stronje www.posol.de wozjewjene.

Do „Božeje zahrody“ a wokoliny

Ze Šmitec wozydłownistwom přeprašuju na putniku jězbu wot štwórtka do pónđele, 30. julija do 3. awgusta, do tak mjenowaneje „Božeje zahrody“. W bazilice Vierzehn-heiligen wobdžělili so na putniskich kemšach. Zastanjemy tohorunja w Bayreuce a wopytamy tam mjez druhim synagogu. W Bambergu wobhladamy sej biskopsku cyrkej a město, zeznajemy mošeju a změjemy tež swobodny čas. Nimo toho steja Bad Staffelstein, Lichtenfels a klóšter Banz na programje.

T. Kubašec

TCM 2020

Terminy Towarstwa Cyryla a Metoda z.t.

pjatk, 14. februara	18.00 hodź.	Wotrow	hlowna zhromadźizna TCM; započatk z Božej mšu
póndźelu, 2. měrca	19.30 hodź.	Smochćicy	póstny seminar w Domje biskopa Bena, TCM je sobuzarjadowar
wutoru, 3. měrca	14.00 hodź.	Smochćicy	zetkanje samostejacych ze serbskich wosadow
póndźelu, 9. měrca	19.30 hodź.	Smochćicy	póstny seminar w Domje biskopa Bena, TCM je sobuzarjadowar
póndźelu, 16. měrca	19.30 hodź.	Smochćicy	póstny seminar w Domje biskopa Bena, TCM je sobuzarjadowar
njedźelu, 5. apryla (bołmončku)	14.00 hodź.	Chrósćicy	wotewrjenje wustajeńcy wo stawiznach Chróšćanskeho Bratstwa swjateho Bosćana a pomnikach tutoho swjateho; započatk z nyšporom; wustajeńca budže dlěši čas přistupna
wot štwórtka do njedźele, 16. do 19. apryla		Tirschenreuth (Hornja Pfalca)	lětno zetkanje Europasiona; skupina Chróšćanskeho pasionskeho zjednoćenstwa, sekcije TCM, je tam přeprašena
sobotu, 9. meje		Hejnice (sewjerna Čěska)	putnikowanje wujednanja; zdobom pokaza so tam wustajeńca wo stawiznach Chróšćanskeho Bratstwa swjateho Bosćana a pomnikach tutoho swjateho
njedźelu, 3. meje	17.00 hodź.	Róžant	mejski nyšpor TCM
štwórtk, 4. junija			wulět samostejacych ze serbskich wosadow
sobotu, 20. junija	10.00 do 16.30 hodź.	Cröbern (blisko Lipska)	akciski dzeń k wobswětowej encyklice „Laudato si“ na centralnej deponiji, zarjadowany wot Rady katolikow Drježdžansko-Mišnjanskeho biskopstwa, w kotrymž je TCM zastupjene (jězba z busom)
štwórtk, 10. septembra	14.00 hodź.	Smochćicy	zetkanje samostejacych ze serbskich wosadow
sobotu, 12. septembra	19.30 hodź.	Chrósćicy, farska łuka	„Mór a lubosć“, prapremjera dźiwadłoweje hry składnostnje 600lětneho wobstaća Chróšćanskeho Bratstwa swjateho Bosćana
njedźelu, 13. septembra	19.30 hodź.	Chrósćicy, farska łuka	dźiwadłowa hra „Mór a lubosć“
pjatk, 18. septembra	19.30 hodź.	Chrósćicy, farska łuka	dźiwadłowa hra „Mór a lubosć“
sobotu, 19. septembra	19.30 hodź.	Chrósćicy, farska łuka	dźiwadłowa hra „Mór a lubosć“
njedźelu, 20. septembra	17.00 hodź.	Chrósćicy, farska łuka	dźiwadłowa hra „Mór a lubosć“
njedźelu, 27. septembra	14.00 hodź.	Chrósćicy	nyšpor na domchowance z požohnowanjom konjacych zapřahow
wot pjatka do njedźele, 2. do 4. oktobra		Oberammergau	wobdźělenje na Oberammergauskich pasionskich hrach
štwórtk a pjatk, 12. a 13. nowembra		Zejicy	hromadženje darow za akciju TCM „Łužica pomha“
wutoru, 1. decembra	14.00 hodź.	Smochćicy	zetkanje samostejacych ze serbskich wosadow